

江夏縣志卷之三

武昌府江夏縣知縣陳元京纂修

賦役

禮記冢宰之職以三十年之通制國用量入以爲出

所入者賦稅所出者各項度支今古不外乎此江邑

賦役之艱明侍郎郭正域論之最悉

本朝定制準萬歷則例之善減天崇加增之害又無藩

封宗祿以困苦公私法至良也矧經

累世恩綸革編審輕徭賦蠲免各省錢糧屢沛

江夏縣志

卷之三

賦役

一

膏澤歡聲徧於閭閻矣江邑正課雜課及解支存留諸

欸謹志其所入所出以備稽攷焉作賦役志

戶口

原額人丁貳萬五千六百一十丁

每丁徵銀一錢八分三釐五毫零

共該徵銀四千七百一兩六錢五分零

順治十四年編審新增人丁至康熙五十年編審新增

人丁額內額外共人丁二萬八千二百一十六丁

實徵銀五千二百一十八兩二錢三分六釐零

康熙五十五年新增人丁五百一十三丁先於五十三

年奉

恩詔續生丁永不加賦以五十年丁冊為常額

六十年編審除續生人丁四百九十丁又奉

恩詔永不加賦外實存人丁二萬七千九百二十四丁內豁

除孤絕人丁二百九十二丁

共實徵銀五千一百五十九兩六錢二釐八毫零

雍正七年始奉

部文人丁銀歸入闔省糧銀均攤帶徵每丁糧銀一兩二錢二分九毫零

分九毫零

江夏縣志

卷之三

賦役

二

共該徵銀五千八百四十五兩三錢三分五釐八毫零

乾隆三十七年七月奉

上諭五年編審不過沿襲虛文無裨實政嗣後編審之例永

行停止

田

原額田五千八頃八十一畝五分內

上中下三則田四千一百八十八頃五十六畝一分

二釐六毫均三派

每畝科秋糧米六升四勺零該徵米二萬五千三百三

十一石九斗三升五合九勺每米一石併新加一弓紘派徵銀七錢一分

四釐
零

共該徵銀一萬八千一百四兩七錢七分四釐零

每畝科夏稅大麥一勺一抄四撮零該大麥四十七石

八斗四升九合八勺每麥折銀秋糧內帶派

每畝科夏稅小麥三合四勺三抄四撮零該小麥一千

四百三十八石四斗九升一合每麥折銀秋糧內帶派

山鄉田

江夏縣志

卷之三

賦役

三

山鄉田二百二十六頃一十九畝六分五釐三毫

每畝科秋糧米三升五合一勺零該米七百九十四石

九升九合每石徵銀前則例該銀五百六十七兩五錢四分

四釐七毫零

每畝科大麥六抄六撮零該大麥一石五斗每大麥內折銀

派帶

每畝科小麥一合九勺零該小麥一合九勺零該小麥

四十五石九升四合一勺每麥折銀秋糧內帶派

水鄉田

水鄉田伍百九十四頃五畝七分二釐一毫

每畝科秋糧米一升七合五勺零共該米一千四十二

石七斗六升六合三勺

每畝科大麥三抄三撮零共該大麥一石九斗六升九

合六勺

此項水鄉田大小二麥全撥歸更名地內算

每畝科小麥九勺九抄六撮零共該小麥五十九石二

斗一升五合一勺

全撥歸水鄉更名地算

地

三則地三千三十二頃九畝四分六釐四毫

江夏縣志

卷之三

賦役

四

每畝科秋糧米一升八合五勺零共該米五千六百三

十四石六斗一升六合四勺

內除撥歸更名地

實該地二千

五百一十七頃八十三畝八分六釐四毫實存米四

千六百七十八石一斗一合四勺零

徵銀照前例

共該銀

三千三百四十三兩四錢四分八釐三毫零

每畝科大麥三勺五抄一撮零共該大麥一十石六斗

四升三合二勺

內撥歸更名麥

實存麥八斗三升六合四勺

每麥折銀秋糧帶派

每畝科小麥一合五抄零共該小麥三百一十九石九

斗四升七合二勺內名撥歸實麥二百六十七石五斗
一升八合零糧每麥折銀秋

塘

塘五百五十二頃一十八畝四分七釐

每畝科秋糧米三升二合一勺零該米一千七百七十

六石一斗八升七合一勺徵糧照前例共該銀一千二百

六十九兩四錢五分三釐七毫零

每畝科大麥六抄零共大麥三石三斗五升五合每畝折銀

秋糧內帶派

江夏縣志

卷之三

賦役

五

每畝科小麥一合八勺零共小麥一百石八斗六升三

合五勺每麥折銀秋糧內帶派

以上共科秋糧米三萬四千五百七十九石六斗四

合七勺

四項共米三萬四千五百七十九石六斗四合七勺內撥

出水鄉田米並三則地內米

實徵秋糧正米三萬二千五百八十石三斗二升三合

四勺六抄六撮不分官民一體編差

共科夏稅大麥六十五石三斗一升七合六勺小麥抵

米一千九百六十三石六斗一升九勺

實麥一千九百一十三石五斗八合八抄四勺銀二秋糧折

內帶
徵

山

山五千一百五十八頃二十九畝三分二釐

每畝科夏稅絲六分六釐七毫零共該絲二千一百八

十二觔五兩二錢九分零每兩絲併新加絹價
派銀七分二釐零共徵

銀二千五百三十一兩五錢三釐七毫六絲二忽

每畝科桑絲六釐八忽四微三塵四纖四渺共桑絲一

江夏縣志

卷之三

賦役

六

百九十三觔一十一兩三錢二分六釐六毫六絲每兩

該銀三分
五釐零共銀一百八兩四錢七分陸釐六毫零

以上田地塘山共一萬三千七百五十一頃三十八

畝七分五釐四毫內除撥歸
更召田地

實該田地山塘一萬二千六百四十三頃七畝四分三

釐三毫

共科秋糧米三萬四千五百七十九石六斗四合七勺

內除原撥
更名水鄉米一千九百九十九石二斗八升一合二

勺零係臨湖佃戶辦
納另徵起解外

實在秋糧米三萬二千五百八十石三斗二升三合四勺

六抄六撮每石每年除優免外科則不等照額徵併新加每石該銀七錢一分四釐七毫零

共徵銀二萬三千二百八十五兩二錢二分一釐五

毫零

夏稅絲二千一百八十二觔五兩二錢九分三釐三毫

三絲每兩額徵併新加該銀七分二釐四毫零共徵銀二千五百三十一

兩五錢三釐零

桑絲一百九十三觔一十一兩三錢二分六釐六毫六

絲每兩該銀五分五釐零三共徵銀一百八兩四錢七分六釐六

江夏縣志

卷之三

賦役

七

毫零

以上人丁正米山絲水鄉四項共該徵銀四萬四千

七百兩四錢三分一釐八毫三絲二忽五微七塵一

織九渺二漠

料鈔

長江關稅舊例布政司委官抽收解司今則專屬武昌

府職掌設立料鈔廠在漢陽門外每年額解料鈔一

萬兩有零

漁課

梁子等九湖漁課銀一千八百八十三兩七錢四分五釐九毫

梁天字號坐落來蘇三里龍泉二里漁課銀三十三兩九錢三分六釐八毫八絲

梁地字號坐落夾山三里漁課銀七十六兩九錢七分九釐五毫

梁元字號坐落積善里漁課銀三十二兩二錢二分二釐五毫

梁黃字號坐落湘東二里漁課銀三十三兩二錢七分

江夏縣志

卷之三

賦役

八

三釐三毫

梁宇字號坐落三城三里漁課銀三十兩五錢九分五釐五毫

梁宙字號坐落西徑里漁課銀三十兩一錢七分八釐一毫五絲

■家湖坐落從善村漁課銀一百二十九兩九錢四分三釐六毫內有五兩四錢在都撫湖坐落藩司後嚴家湖坐落永豐里漁課銀八十二兩一錢六分金口墻坐落修賢里漁課銀九十六兩八錢一分九釐

三毫六絲

金東西水

係代徵嘉魚蒲
圻咸寧三縣

漁課銀一百六十六兩三錢

四分一釐八毫二絲

湯孫湖坐落夾山一里漁課銀一百兩零八錢五分

石嘴長江總坐落修賢里漁課銀五十九兩八錢四分

青江總

係代徵嘉魚蒲
圻咸寧三縣

漁課銀六十六兩五錢

青山長河坐落橫山里漁課銀五十九兩八錢四分

簪洲長河坐落嘉魚縣漁課銀六十六兩五錢

嚴西湖坐落招賢里漁課銀八十二兩一錢六分

江夏縣志

卷之三

賦役

九

青林黃家湖坐落下恩一里修賢二里漁課銀一百零

五兩八錢九分

南湖坐落附城里漁課銀七十四兩四錢三分

賽湖坐落從善村里漁課銀二十九兩八錢四分

魯東湖坐落修賢一里漁課銀九十八兩四錢三分

魯西湖坐落修賢二里漁課銀一百三十二兩九錢一

分四釐

斧頭湖坐落湘東一里漁課銀一百七十兩

郭鄭湖坐落保安二里漁課銀一百三十一兩一錢二

分

蘆課

黃鶴洲坐落大江王楚良等承納額銀二百三十兩零
六錢六分三釐一毫六絲地一百六十九頃七十畝
零八分五釐零

馬家洲坐落青山大地二胡我賓等承納額銀二百兩零

九釐零康熙二十二年三月奉
文豁免崩卸蘆地具載全書

老李黃絲洲坐落大江李廷月等承納額銀七十二兩
一錢五分七釐零地三十八頃五十六畝九分三釐

江夏縣志

卷之三

賦役

十

零

浮泥洲坐落大江高靳承納額銀五十五兩零一分六
釐零地三十三頃一十二畝九分三釐零

蔡子沙洲坐落青山大江邊曾塗二等承納額銀六十
七兩九錢二分零地四十一頃三十八畝一分零

寨磯灘坐落大江張常懷承納額銀八兩五錢二分八
釐零地六頃零七畝九分九釐九毫

邊洲坐落大江邊萬從賢承納額銀二兩八錢零八釐
零地一頃九十三畝九分三釐七毫

泥灘泥坐落大江邊曾爾俸承納額銀二十六兩玖錢
九分七釐地二十頃一十九畝五分七釐五毫

泥灘舌頭洲坐落大江朱世貴承納額銀八十四兩七
錢二分六釐零地五十九頃二十五畝八分三釐零
沙坡寺洲坐落大江錢承寧承納額銀三兩六錢四分
三釐零

上下泥洲坐落大江邊袁蔡張承納額銀十兩一錢四
分七釐四毫零地四頃三十五畝六分一釐五毫零
小嘴地洲坐落邊江楊杞承納額銀三兩四錢四分九

釐零地二頃七十五畝一分六釐二毫零

地嶺百姓洲坐落大江邊周科稅承納額銀二十兩九
錢一分二釐地七頃六十八畝五分二釐零

木鷺泥洲坐落大江邊黎光寬承納額銀一十二兩一
錢八分一釐零地七頃二十三畝四分一釐三毫零
汰青埠坐落本埠胡金承納額銀二兩六錢四分地一
頃七十六畝

順治十六年冊報蘆洲地三百六十七頃四十六畝一
分一釐一毫額課銀四百四十三兩八錢五分八釐

順治十四年崩卸缺課銀五十兩七分五釐三毫未經開除仍照原課徵解

康熙三年查丈得各洲原納藩租地外應納蘆課地五百六十四頃八十九畝九分零內除白沙不堪載課地四十七頃六十二畝七分四釐五毫外現在納課密蘆稀蘆麥地草塌草墘共五百一十七頃二十七畝一分一釐八毫共課八百一十二兩五錢八分三釐四毫

白沙洲坐落大江承佃呂葉張楊載洲地四十五頃一

江夏縣志

卷之三

賦役

十二

十一畝三分載銀二百四十五兩一錢內除崩卸無徵銀一百一十四兩八錢五分六釐一毫

楊林洲坐落黃岡縣界承佃魏楊載洲地一十九頃七十一畝載銀一百零七兩一錢一分內除崩卸無徵銀六十二兩八錢九分五釐五毫

沙口坐落黃岡縣界承佃周吳何載麥地三頃七十六畝八分七釐載銀二十兩四錢八分

弔尾洲坐落黃岡縣界載洲地三頃四畝一分載銀一十六兩五錢二分三釐

龍坑洲坐落黃岡縣界承佃舒玉惠載洲地三頃二十
三畝四分載銀一十七兩五錢七分

蘆洲沙包坐落馬家洲頭承佃潘先載洲六頃九十九
畝二分載銀三十八兩

新溢洲坐落金沙洲尾承佃高張載洲地七頃八十六
畝九分載銀四十五兩五錢四分

墩子湖東西馬池董家塘坐落中和保護承佃陳魏羅
載課五十四兩頃畝無

王家港坐落湘東三里水課銀一兩

江夏縣志

卷之三

賦役

十三

長江余家郭鄭等湖及王家港等處實徵銀一千八
百八十三兩七錢四分五釐九毫

穀一折崩卸每兩加
銀一分六釐七毫

八絲
在內

楚課

穀田三十六頃三十畝三分四釐八毫二絲
每畝科銀一錢九分七釐二毫零

該徵銀七百一十六兩一錢四分八釐八毫

此係康熙三

九年詳請開
除穀折則例

麥地基園一千八百五十頃六十四畝六分二釐二毫

二絲

每畝科銀一分八釐

該徵銀三千三百三十一兩一錢六分三釐二毫

二共田地一千八百八十六頃九十四畝九分七釐

四絲自康熙二十年起至五十九年止陞科在內

共該徵銀四千零四十七兩三錢一分二釐

白湖草場

實徵銀二十九兩七錢五分七毫九絲五忽七微崩穀卸折

每兩加銀一分六釐七毫八絲在內

江夏縣志

卷之三

賦役

十四

代徵黃州衛籽粒

實徵銀三十六兩六釐

以上各項通共徵銀五萬一千三百八十六兩七錢

七釐八絲零內除

紳衿優免銀一百七十兩五錢四分六釐六毫零

雜稅

牙帖稅銀一百四十兩九錢

當舖三十座每座每年納銀五兩共徵稅銀一百五十兩每年歇不一

稅銀原額

田房稅正額銀一十二兩一錢二分盈餘原銀無定儘額

牛驢稅銀無馬稅儘收儘解原無定儘額

額銷鹽引一十萬六千二百五十引每包引六改分子九鹽釐四十六

毫每引稅銀二分商人交納解
司撥用每年行銷原無一定

各項解支總欸並附

一解司充餉銀三萬六千二百五十九兩八錢五釐七毫零

一解道隨漕銀一千五百九十六兩六錢一分四釐零
一解支存留項下銀三千八百九十三兩七錢三分三

江夏縣志

卷之三

賦役

十五

釐二毫零

一解支驛站項下銀八千七百三十四兩八錢

一解司充餉蘆課銀六百八十九兩四錢六分五毫零

一解司充餉籽粒銀三十六兩零六釐

以上各項共解支並紳衿優免共銀五萬一千三百八十兩九錢六分六釐零

學田租穀載八學校

江夏縣志卷之

武昌府江夏縣知縣陳元京纂修

兵制

天生五材誰能去兵矧江夏居省會要地官司萃於是倉庫刑獄備於是烏可不嚴兵防也哉督標設中左右三營撫標設中右二營城守營專辦地方與文職同一責成水師營隸督標歸併漢陽既有卡路盤詰姦宄又有塘汛查拏賊盜法綦嚴而慮至周也封疆大吏又以時訓練之揆文而兼奮武蓋無一日或

江夏縣志

卷之三

兵制

一

弛其備耳作兵防志

秦分天下爲三十六郡郡置材官南郡車徒則材官領之

漢紹秦制郡國置車騎材官

晉武帝旣平吳詔悉去州郡兵郡置武史百人小郡五十人

南北朝宋孝武分荆湘江豫州三郡置郢州治江夏罷南蠻校尉遷其營於建康

唐廣德二年置鄂州防禦使

宋建炎後屯駐大軍鄂州都統司水軍

元世祖至元二十五年調揚州省軍赴鄂州代鎮戍十卒

明置巡撫湖廣兼贊理軍務都御史一員清軍副使一員屯田副使一員分巡武昌兼兵備僉事一員湖廣都指揮使司軍政掌印一員僉書二員以上俱駐縣治武昌衛指揮使指揮同知指揮僉事鎮撫左右中前後千戶所千戶百戶兵五千六百六十二名屯田一千六百八十六頃八十畝三分四釐三絲屯糧一萬八千六百六十六

江夏縣志

卷之三

兵制

二

石一斗四升三合六勺三圭武昌左衛指揮使指揮同知指揮僉事鎮撫左右中前後千戶所千戶百戶兵六千六百二十四名屯田一千二百九十八頃七十二畝八分三釐四毫一絲屯田一萬五千二百四十四石一斗四升三合六勺

國朝

總督標

潘志中軍副將一員守備一員千總二員把總四員左營遊擊一員守備一員千總二員把總四員右營

遊擊一員守備一員千總二員把總四員三營共兵一千四百六十三名內係馬戰兵二百名步戰兵一千二百六十三名雍正七年爲敬陳管見等事案內添設外委千總三員外委把總六員於馬兵內考拔減除馬兵九名又爲密陳改土歸流等事案內裁撥步兵六十名歸併湖南永順協乾隆二十七年爲遵旨議奏事案內添設額額外委九員於馬兵內考拔減除馬兵九名乾隆四十七年爲遵

旨議奏事案內裁除武職原食養廉步兵三百十五名召補

江夏縣志

卷之三

兵制

三

實兵又原設公費步兵四十二名刪除名糧名色另行動項作正估撥又將各營裁除武職原食養廉名糧添撥本標召補馬兵六十名步兵七百四十名又添設額額外委四員於馬兵內考拔減除馬兵四名乾隆五十年爲遵

旨議奏事案內裁撥額額外委一員步兵八十四名歸武昌城守營差防又撥步兵四十八名歸漢陽營差防實在經制馬步戰兵一千七百九十二名內馬戰兵二百三十八名步戰兵一千五百五十四名

中營原設中軍副將一員守備改設都司僉書一員原設千總二員把總四員添設經制外委千總一員經制外委把總二員額外外委四員馬戰兵七十九名步戰兵五百六名

左營原設遊擊一員守備一員千總二員把總四員添設經制外委千總一員經制外委把總二員額外外委四員馬戰兵七十九名步戰兵五百二十五名
右營原設遊擊一員守備一員千總二員把總四員添設經制外委千總一員經制外委把總二員額外外

江夏縣志

卷之三

兵制

四

委四員馬戰兵七十九名步戰兵五百二十三名
總督標武昌水師營

潘志守備一員千總一員把總一員帶領兵丁駐防
本城漢口金口青山各水汛並原設虎戰各船俱於
乾隆三年爲請併營制等事案內將舊設官弁並步
戰外委把總一員步兵一百六十九名守兵一百一
十一名歸併漢陽營管轄其金口青山水汛現係武
昌城守營分防

巡撫標

潘志中軍遊擊一員守備一員千總二員把總四員
右營遊擊一員守備一員千總二員把總四員兩營
共兵九百七十五名內馬戰兵一百名步戰兵一百
九十六名守兵六百七十九名雍正七年爲敬陳管
見等事案內添設外委千總二員外委把總四員於
馬兵內考拔減除馬兵六名雍正七年爲密陳改土
歸流等事案內裁撥馬兵二名步兵四名守兵一十
四名歸併湖南永順協乾隆二十七年爲遵

旨議奏事案內添設額外外委六員於馬兵內考拔減除馬

江夏縣志

卷之三

兵制

五

兵六名乾隆四十七年爲遵

旨議奏事案內裁除武職原食養廉步兵六十八名守兵八
十九名召補實兵又原設公費步兵一十八名守兵
九名刪除名糧名色另行動項作正估撥又將各營
裁出武職原食養廉名糧派撥本標召補馬兵四十
名步兵一百五十名守兵三百一十名又添設額外
外委二員於馬兵內考拔減除馬兵二名乾隆五十
年爲遵

旨議奏事案內裁撥守兵五十六名歸武昌城守營差防又

撥守兵三十二名歸漢陽營差防實經制兵丁一千一百六十九名內馬戰兵一百二十四名步戰兵二百五十六名守兵七百八十九名

左營遊擊改設中軍叅將一員原設守備一員千總二員把總四員添設經制外委千總一員經制外委把總二員額外外委四員馬戰兵六十二名步戰兵一百二十五名守兵三百九十五名

右營原設遊擊一員守備一員千總二員把總四員添設經制外委千總一員經制外委把總二員額外外

委四員馬兵六十二名步兵一百三十一名守兵三百九十四名

武昌城守營

潘志叅將一員中軍守備一員千總二員把總四員馬戰守兵六百三十七名內馬戰兵六十八名步戰兵一百七名守兵四百六十二名雍正七年爲敬陳管見等事案內添設外委千總一員外委把總三員於馬兵內考拔減除馬兵四名乾隆二十七年爲遵

旨議奏事案內裁除武職原食養廉馬兵七名步兵三十八

名守兵二十六名召補實兵又原設公費步兵一十
二名守兵六名刪除名糧名色另行動項作正估撥
乾隆五十年爲遵

旨議奏事案內奉文裁撥督標額此外委一員步兵八十四
名撫標守兵五十六名歸本營差防實經制兵丁六
百八十一名內馬戰兵五十四名步戰兵一百四十
一名守兵四百八十六名官仍舊制添設經制外委
千總一員經制外委把總三員額此外委四員
一船隻陸續裁汰現存巡江船五隻內安設嘉魚縣東

江夏縣志

卷之三

兵制

七

嶺水汛船一隻江夏縣黃花馬家二洲遊巡船一隻
駐防省會江面船三隻

一駐防通城縣外委千總一員帶兵十四名蒲圻縣千
總一員帶兵二十九名武昌縣把總一員帶兵二十
名嘉魚縣把總一員帶兵二十五名咸寧縣把總一
員帶兵二十五名崇陽縣把總一員帶兵十五名江
夏縣係千總輪防存營兵丁三百八名

一安設水旱塘汛兵丁二百四十五名

水塘四十二處
旱塘十三處

八吉堡汛係標營輪流派撥官兵防守

武昌府衛守備一員千總一員百總一員

武昌左衛守備一員千總一員百總一員

兵事

周景王八年冬楚子蔡侯陳侯許男頓子沈子徐人越人伐吳以報欒棘麻之役遠射以繁陽之節會於夏汭敬王十四年吳自豫章與楚夾漢楚囊瓦濟漢而陳自小別至於大別

漢獻帝興平四年孫策進擊黃祖十二月辛亥軍至沙羨劉表遣從子虎及南陽韓晞將長矛五千來救甲寅策與戰大破之祖脫身走獲其妻子及船六千艘士卒殺溺死者數萬人

江夏縣志

卷之三

兵事

九

八年冬十月孫權西伐黃祖破其舟軍惟城未克

十二年孫權西擊黃祖擄其人民而還

十三年權復擊祖祖橫兩緹蒙衝挾守沔口偏將軍董襲與別部司馬凌統各將敢死士百人人披兩鎧突入蒙衝襲以刀斷兩緹大兵遂進祖令都督陳就以水軍逆戰平北都尉呂蒙勒前鋒親梟就首於是乘勝水陸並進薄其城盡銳攻之遂屠其城祖挺身走追斬之擄男女數萬口

是年劉備敗當陽與關羽船會遇劉琦兵萬餘人與俱

到夏口

是冬劉備及周瑜進逆操兵於赤壁以火攻大破之操
遜還南郡

後帝建興十二年夏五月孫權遣陸遜諸葛瑾將萬餘
人入江夏沔口向襄陽

星耀三年吳主從弟秀爲夏口督吳主惡之會遣何定
將兵五千獵夏口秀驚奔於魏

晉武帝咸寧三年冬十二月吳夏口督孫慎入江夏汝
南掠千餘人而去

江夏縣志

卷之三

兵事

十

五年冬十一月大舉伐吳遣建威將軍王戎出武昌平
南將軍胡奮出夏口

太康元年二月乙亥詔王濬唐彬與胡奮共平夏口武
昌順流長驚直造秣陵

惠帝永興二年陳敏據歷陽叛列上尚書稱被詔旨自
漢沔奉迎鑾駕太宰顛以張光爲順陽太守帥步騎五
千詣荊州討敏劉宏遣江夏太守陶侃武陵太守苗光
屯夏口

懷帝永嘉四年山簡爲嚴嶷所逼自襄陽徙屯夏口

永嘉中石勒破江夏朱伺與楊琬走夏口
安帝元興元年劉毅何無忌劉道規自潯陽西上至夏
口以討桓振遣鎮東將軍馮該守東岸
宋順帝昇明元年十二月荊州刺史沈攸之舉兵不從
執政閏月癸巳攻郢城前軍長史柳世隆固守
齊廢帝永元三年二月蕭衍發襄陽荊州遣冠軍將軍
鄧元起軍主王世興田安等會大軍於夏口四月命王
茂蕭穎達逼郢城五月東昏遣寧朔將軍吳子陽光子
衿等十三軍救郢州戰敗郢城降於衍

江夏縣志

卷之三

兵事

十一

梁簡文大寶元年八月湘東王繹遣領軍將軍王僧辨
逼郢州邵陵王綸棄城走

孝元太清二年閏四月侯景遣其將宋子仙任約襲郢
州執刺史方諸

六月王僧辨圍郢州獲賊將宋子仙等

敬帝承制四年四月司徒陸法和以郢州附齊遣江州
刺史侯瑱討之齊使慕容恃德鎮夏口瑱攻之恃德食
盡請和

陳武帝永定元年冬十月西討都督周文育侯安都於

郢城敗績沒於王琳

二年三月王琳立梁永嘉王莊以奉梁後於郢州孫瑒爲少府周遣大將軍史寧乘虛攻之瑒兵不滿千人乘城拒守不能尅

文帝天嘉元年三月孫瑒舉州內附

廢帝光大元年九月周將拓拔定入郢州與革皎水陸俱進都督淳于量吳明徹等大破之皎單舸奔江陵禽定送建鄴

唐德宗興元元年李希烈以夏口上流要地使其驍將

江夏縣志

卷之三

兵事

十二

董侍募死士七千人襲鄂州刺史李兼偃旗臥鼓以待侍撤屋材焚門兼帥士卒出戰大破之於是希烈不敢有窺江淮之志

憲宗元和十年詔鄂岳觀察使柳公綽以兵五千授安州刺史李聽討吳元濟公綽請自討之號令嚴明每戰皆捷

文宗太和五年鄂岳多盜剽行舟觀察使崔郾訓卒招兵作蒙冲悉誅之

僖宗乾符二年王仙芝陷鄂州

昭宗乾寧四年春二月詔以楊行密爲江南諸道行營

都統以討武昌節度使杜洪杜洪鄂州人爲里侂兒乾

皆人爲知盜兵杭州刺史募民疆中董昌軍拒賊走不客黃州於

中和末州刺史居之三千人鄂州守賊以周通爲州將攻有審功

中審度使是時永興虛民吳鄂討自據黃州留殷據永興即二拜本

皆隸土團乾者寧也初自軍將擊甚討乞雖得淮南楊而行密朱遣全朱延絕

壽助之取其地還洪得壽駱殷倚爲心腹京師取永興守之永興

忠方圍鳳翔昭宗遣使者東出武安馬殷皆殺之州時行

密使鄂州洪嬰劉城請救舟師汴萬人忠率洪兵五萬營霍邱行遂

江夏縣志

卷之三

兵事

十三

密禦之破汴之兵不利引方還興使河東軍薄戰以故三千能救洪圍洪

乃求吳章於兵馬殷三千不救洪計窮將走全傅城全忠遣洪曹延

曰合汴兵人深間仰掩永興以劉濟存奇敗之汴不戰而潰狗以城精

下軍走城氣沮存使及曹延祚斬其行密強見洪責曰爾

同逆賊不弒王負孤爲仇延祚軍還而復州以拒劉今存守鄂如

州行密死馬

後周武帝顯德三年詔以武平節度使兼中書令王逵

爲南面都統攻唐之鄂州

三年庚寅王逵奏拔鄂州長山寨執其將陳澤等殺之

五年荆南節度使高保融遣指揮使魏璘將善船百艘東下會伐唐至於鄂州

宋太祖開寶七年遣曹彬等伐南唐十一月知漢陽軍李恕敗江南水軍於鄂

高宗紹興四年楊么大敗官軍於鼎江詔岳飛爲湖北荆襄潭州制置使次於鄂州移兵討之

理宗開慶元年九月元忽必烈圍鄂州冬十月以賈似道爲右丞相兼樞密使進師漢陽以援鄂州鄂州都統權州事張勝堅守不下遂死之十一月元人攻城益急

江夏縣志

卷之三

兵事

十四

死傷至萬三千人似道大懼乃密遣宋京如元師乞和會有元憲宗之變太弟乃許之拔砦而去

景定元年春二月元兀良哈歹會張傑於鄂州帥師兆還

度宗咸淳十年十二月元伯顏至蔡店大會諸將刻期渡江時夏貴以漢鄂舟師分據要害彌亘三十餘里王達守陽邏堡朱禩孫以遊擊軍扼中流兵不得進伯顏乃進圍漢陽聲言取漢口渡江貴果移兵援漢陽伯顏乘間襲沙蕪口奪之通舟於江遣人詔諭陽邏堡不應

攻之不克因密謀於阿朮遣阿里海涯進薄陽邏堡貴
率衆來援阿朮卽以昏時率四翼軍遡流二十里至青
山磯是夜雪大作黎明阿朮遙見南岸多露沙洲卽率
衆徑渡宋都統程鵬飛拒於江阿朮橫身蹠血力戰中
流鵬飛負重創走還鄂州阿朮遂登南崖乘勢追殺至
鄂東門伯顏復侵陽邏堡堡潰伯顏遂濟江會阿朮趨
鄂州呂文煥列兵城下曰汝國恃者江淮今大軍渡江
如蹈平地汝輩不降何待會元軍焚艨艟三千艘火照
城中權守張晏然與都統程鵬飛遂以州軍降幕僚張

江夏縣志

卷之三

兵事

十五

山翁獨不屈諸將請殺之伯顏曰義士也釋之遂命阿
里海涯及賈居貞以四萬人守鄂規取荆湖而自率大
衆與阿朮東下

元順帝至正十二年正月徐壽輝兵陷漢陽遂陷武昌
行省丞相威順王寬徹普化等棄城走

二十一年明太祖帥師伐漢大破之陳友諒挈妻子夜

奔武昌

友諒沔陽人本姓謝祖千一贅於陳遂冒其姓父普才黃蓬漁子也友諒膂力過人爛於武藝

嘗爲縣吏不樂會羅田徐壽輝與倪文俊起慨然往從之爲文俊簿書掾尋亦統兵爲元帥襲殺文俊遂并其軍自稱平章至元戊戌陷安慶興瑞州等路徐壽輝聞其破龍興欲徙都之友諒不從壽輝引兵發漢陽

下漢州友諒陽出迎伏兵於五月西盡殺江壽輝太祖曲擊破
其將張定邊石弒其主壽輝稱帝國師討之改元大友諒尋遣
友諒行兵武昌久之憤攻其疆域明太祖乃親總大舟艦師來援空
復邀擊之屢破友諒中流矢貫睛及顛而死友諒自稱帝明兵
及其子理徑趨武昌復立張理為帝改元以德壽明兵復圍屍
之

二十四年明太祖以武昌圍久不下乃親往視師督諸
將擊之擒其元帥張必先遣降將羅復仁入城招諭理
遂帥其太尉張定邊詣軍門降城中民多饑困命給粟

江夏縣志

卷之三

兵事

十六

賑之乃封友諒父普才承恩侯理歸德侯後普才徙除
理徙高麗

明武宗正德六年夏五月流盜劉六劉七往來江上劉
六旋敗死江中獲其尸

懷宗乙亥丙子間流寇過天星扒山虎老狷狷一點油
托天王一斗粟黑旋風格裏眼混十萬草上飛獨脚虎
八爪龍整世王曹操蝎子塊刑管隊八大王闖塌天出
獵鴈黑心虎混天王四十八股往來江北屠掠無虛日
省會晏如富家巨室多渡江依棲焉

十五年冬左良玉爲賊李自成所敗收散卒而南踞城外金沙洲淫掠無異於賊民苦之故相賀逢聖泣語良玉乃斬不戢者以徇人心稍安

十六年春左帥移師東下掠兩岸船幾盡止於九江夏五月晦日賊張獻忠陷會城先是獻賊爲督帥楊嗣昌困於瑪瑙山僅以數十騎逸去給破襄陽其衆不滿千人乃遯入六安山中踰年始出陷蘄州繼陷黃州益以麻城里仁叛黨洪明諸逆及黃屬新附之衆各數萬人其勢益張漸有飲江之意密遣姦謀徧布城中而楚藩

所募護衛新兵弁領張以敬者黃岡諸生也嘗犯教楚藩督過之因潛與賊通約爲內應獻賊遂從樊口涉水西上故相賀逢聖啟楚藩請發鏹犒士卒議守禦楚藩不以爲虞監軍王楊基適奉巡撫江北之命聞寇逼欲去賀涕泣挽之不得二十八日遽揚帆西渡防守鎮筸兵亦跳走人心洶洶前三日有發以敬等通賊逆謀者馮生雲路以告賀逢聖逢聖不決密問北撫大笑斥爲狂生於是以敬等懼誅謀益急時賊猶徘徊馬橋而城人速之故宵馳二十九日突至攻大東門及翌日未刻

大雷雨城上人不能仰視有寒而僕者雨止各巷口有白衣一二人呼曰賊已從某門入矣於是婦女並出走而守者內顧賊登其城遂不守賊入大肆焚殺踞王宮以竹兜舁楚藩華燿浮之江賀逢聖聞變入告其妻危氏先自盡乃投滋陽橋下以死同時致命者有長史徐學顏諸生馮雲路明睿汪陞延朱華**趙**等而明睿一門爲最烈其餘抗節於兵鋒水火名湮沒而無稽者難悉數也賊凡大殺城中三晝夜復驅未殺男婦數十萬鋌而擠之江中浮尸數百里相屬水爲腥膩不可汲者累

日而楚宗之幸脫者賊皆懸賞購捕及爲怨家所擒獻翦薙尤無遺焉賊乃僭稱西王改武昌爲天授府江夏上江縣設僞官並設僞科取士久之左帥乃自安慶遣將方國安等西上賊遂取楚藩金寶掠民男女西入蜀左帥以恢復奏功封寧南伯尋進封侯開藩鎮楚將佐佩總兵印者纍纍而江北諸城郭又半爲李自成所有矣初良玉以敗襄城戴罪立功故陰以鄂城委賊密受賊金寶而後收之因以功復爵云

順治二年左帥屢與闖帥白旺戰涇沔間不勝其子夢庚有異圖乃以誅馬士英爲名反於武昌脅撫按不從何騰蛟尤以死拒夢庚乃縱兵沿江大掠而東良玉不能制行至九江恚死

三月逆闖李自成自陝西敗竄衆尚數十萬掠省城江南北無不被其毒至通山九宮隘爲土人李九伯所誅衆遂散世謂死於黔之羅公山者妄也英藩靖遠大將軍隨逐賊至省置官撫輯而去

五年秋七月固山劉大將軍自江南帥師至鄂進取湖

江夏縣志

卷之三

兵事

十九

南

六年我師踐更息馬會城不次

十一年春經畧內院洪成疇督師至省規取滇黔

十六年夏海寇犯江南風鶴及於鄂渚

康熙二年西山用兵

十三年逆賊吳三桂反於雲南湖湘繼陷烏獸駭散四月逆兵抵咸寧巡撫張朝珍守城靜鎮絕無騷擾

十四年我兵進攻岳州 禁旅薦至 御馬絡繹麻鐵

緜簾馱夫戰艦之征歲無虛月貝勒大將軍統旗兵駐

省張朝珍力持兵馬不許入城供億措置多方雖師行往返而士民安堵

十五年冬大兵已赴長沙偏撫韓移取人夫張朝珍不應時麻城東山賊乘機作亂于成龍爲黃州守張專任之遂單騎入寨曉以禍福一時皆降不廢一矢諸賊已平

十九年布政使徐惺護理撫事奏免辰船解費湖南自僱地方便之是年馬將軍統旗兵入廣息馬諸門先時有標兵數千人離伍而歸者及旗軍分布益不自安

將爲橫決計巡撫王新命布政徐惺多方撫諭人給月糧及軍裝馬匹而遣之由是帖然

冬總督蔡提兵入黔乃詔都御史王移鎮荊州料理糧糗採辦布政使徐議免黔夫七千名

二十年雲南平

二十一年諸王大將軍班師回京提船不次是年議汰綠旗兵

冬總督董自荆旋鎮鄂渚

二十二年滇蜀大師留後者攜家口陸續回京及運送

逆藩家口俱由武昌募船更換遞至江南

二十三年滇中大師留後者奉

旨回京亦由武昌募船更換遞至江南

二十六年巡撫張汧糾叅荆南道祖澤深祖亦揭張陰
事總督徐國相以同城失覺察罪當黜

命下並裁總督汰標兵二十七年五月二十二日裁兵夏逢龍
以請

題給餉爲詞倡謀糾衆齊集撫署前襄鎮總兵許見而叱
之衆遂譁箭中許右肩刃前道一人巡撫柯永昇踰牆

江夏縣志

卷之三

兵事

二十一

走印被劫二十三日賊坐公衙門部署僞職號召醜類
盡髡其髮都使司宣德仁聞變縊於內署逼糧道葉映
榴降榴給賊洞開九門縱民出入度老幼脫賊圍嚙指
書遺本遣僕懷印達

帝閻始自刎先時有妖僧大元坐賓陽門內山隈不語者數年
賊過忽曰吾見東南有白氣久坐此相待至是迎爲軍
謀主乃大蒐甲乘旗幟鑿矛皆白衆至數萬掠漢陽武
昌黃岡咸寧嘉魚諸郡邑六月二十四日常德提督徐
治都率師抵金口時賊鋒初起速戰公深溝高壘以挫

之賊率衆犯德安之應城荊州將軍噶統兵敗之城下
襄陽總兵蔡爨陵總兵嚴又合兵敗之蔡店適南浙博
瓦二將軍率師拒於黃州賊勢日促揚帆南上思尾徐
治都後以阻餉道七月十五日徐陳師赤磯山之鯉魚
澗值溽暑賊舟方泊我師遽乘之賊大潰盡赴水死逢
龍僅以身免逃歸省城僞總兵胡耀乾閉城不納夜遯
黃州爲諸生陳王謝所執獻博瓦二將軍營磔之賊衆
悉降八月朔日滿漢諸軍凱旋斬渠魁胡耀乾婁倣舜
傅爾學斬起功等於武勝門外其協謀婁鎮遂胡定國

江夏縣志

卷之三

兵事

二十二

婁倣文婁倣漢談心宗等監禁具

題

命下立決家產變給有功官兵賊遂平

二十八年正月訛傳夏逆餘黨煽亂畏事者紛紛避山
澤禁弗止巡撫楊素蘊偵知無異藉放燈以安民心城
門不閉者三夜訛言頓息

是年六月旱市井無賴越八鄭龍等六人約乘夜放火
以肆搶奪機露被獲總督丁思孔巡撫楊素蘊請

王令赴市曹斬之

四十二年紅苗叛總督喻成龍奉

旨往征明年苗民服喻班師還撥兩標兵卒更戍之

康熙五十三年三月有無賴子王爾寅陶二者結黨漢鎮陰置軍器部署文武圖爲不軌遣其黨李五李二等十六人要卓刀泉僧某僧佯許之醉以酒馳報上官時總督額倫特在長沙巡撫劉殿衡祠武當獨張連登以臬憲攝藩篆聞報秘僧西亭密遣武昌同知王景皋渡江蹤跡所在排牆直入羣小無脫者驗問反形下之獄且出令曰反者某某於衆人無與所得誓書已焚之矣

江夏縣志

卷之三

兵事

二十三

於是烏合者悉解散民安堵如故然其中有姚道人者大憨也訊囚得實下檄景陵縣繪形往緝七日獲之兩院歸將入告張曰此勿煩

聖慮便宜行事倘遭吏議某誠不惜一官以紓楚國之難制撫許之取其魁七人杖殺閱馬廐餘各分別處分遣回鄉井大約多鄰省人也常寧段巘生作靖變紀畧記其事五十八年春大兵取西藏撥駐防江寧杭州滿洲兵各千人戍雲南由江夏赴沅州總督巡撫偕司道會議委員於黃鶴洲平塹停泊挨次換船民撐小船貿易蔬菜

甲兵無一人入城市民賴以安

江夏縣志

卷之三

兵事

二十四

江夏縣志卷之三

武昌府江夏縣知縣陳元京纂修

隄防

凡兩山之間必有川山以束水此因其自然而無煩人力者也至平衍之地值水泛漲之時田地墳廬無淹沒則隄功要焉江邑有江岸以石爲之明正德迄萬歷岸石崩塌經御史史大爲修理有江隄自龍牀磯以下路隄自張公渡以下明大司馬熊廷弼築然閒有崩圯

江夏縣志

卷之三

隄防

一

本朝亦屢動庫帑培修又長隄自赤磯山起至嘉魚艾家墩止係江咸嘉蒲四邑公築而江夏爲多萬歷二十四年熊廷弼請於當事動帑大修爲利甚溥自時厥後弊竇叢生江夏令潘棗鼎澄清之又相度形勢於舊隄之內更築新隄見築隄紀事及勸墾田說中然法積久而弊日甚累民者不一而足乾隆四十七年經紳士段追文吳爾烝等籌畫始一勞永逸上下相安焉作隄防志

花隄在平湖門內宋政和間水溢壞城知府陳邦光知

縣李基築之

萬金隄在花隄之外宋紹熙間役大軍築之建璧江亭
陸放翁有記濱江四望隄土樓閣重複燈火歌呼夜分
乃已卽此

郭公隄在湖心自長街東至新開路二里都統制郭果
築江岸在城外長十餘里以石爲之明正德迄萬歷間
岸石崩塌漢陽平湖二門禹龍港董家坡而上墊溺幾
不可支郡守韓修之費一千四百有奇其後復圯郡守
張請於御史史大修之費五千金自王惠橋至閱兵樓
江夏縣志

卷之三

隄防

二

長一千一百三十五丈高廣四丈有奇凡用石十萬松
椿一萬二千松片二千一百俱以鐵錮之又鑄四鐵犀
以鎮焉

江隄自龍牀磯以下計二千二百零一丈至石嘴以下
計三千三百五十一丈明大司馬熊廷弼築有記雍正
五年水決六年奉

旨發帑修築自縣南金沙洲起至龍牀磯止

路隄自張公渡起計二百一十三丈折而東者五十九
丈自石子嶺以下共二千四百九十二丈亦熊廷弼築

縣令徐日久有記

潘縣志長隄自赤磯山起至嘉魚艾家墩止係江咸嘉蒲四邑公築長五千丈每年派修計工而五分之咸嘉蒲各築其一江夏築其二江邑每歲修隄二千丈爲例按隄自嘉魚馬鞍山至簪洲艾家墩八十餘里宋政和以來唐均陳景成宣諸公所築其隄雖爲嘉蒲咸夏四邑保障而嘉之受利更甚明正德間嘗合四邑民力修築而嗣後歲修工費每嘉邑所獨任名爲老隄其自艾家墩至赤磯山四十餘里名爲新隄卽四邑公築之長

江夏縣志

卷之三

隄防

三

隄也萬歷四十二年大司馬熊廷弼暨嘉魚光祿李請諸當事所築發府庫銀三千金計長五千丈每歲派修嘉蒲咸夏四邑公任但天崇以來各邑俱有公費僱夫修築不派里民其自赤磯山至嘉邑下田寺常爲江民任工而領其工費其後加派里民竟相沿不改不分老隄新隄一概分派江民分修至五千五百四十九丈此受累之由也歷年號訴殆無寧日康熙四十六年總制郭因江民吳桐等呈控委武昌知府楊懋紹酌議楊洞悉江民之累調集四邑官民會訊具議江夏境內之隄

自陶家馬頭起至赤磯山止令修至嘉邑之下田寺則越界二十里請檄行嘉咸蒲三縣均派承當庶少甦江民之困其議爲嘉令李鼎徵所阻五十四年總制額蒞任江民再控前事遂罷歲修者三年余自康熙五十七年蒞江夏任相度形勢見流湍急潰則四邑均受其衝隄固未可廢而舊隄自滾打洲以西凡三里盡淤泥築則崩塌隨之卽議改築由赤磯山而南至雨灌山折而西斜抵陶家馬頭地高土實經始於五十九年秋至六十年冬工訖且改築隄成治隄內外皆可種蒔民田旣

江夏縣志

卷之三

隄防

四

廣國賦可增其詳見余築隄紀事及勸墾說中附載於後據通志部隄卽金口長隄自赤磯山起至嘉魚縣下田寺止雍正五年水決六年奉

旨發帑修築其烏洲及李老等湖隄工修後復塌七年復領帑

銀修築完固

築隄紀事

金口之有長隄自赤磯山至陶家馬頭凡四十里其間自鯉魚澇以西則爲馬船港烏州湖李老湖白楊港滾打洲名雖有五相距止三里土性直下盡屬淤泥隨築

隨塌屢年保護用夫工無算故議改築向來由赤磯山而南至雨灌山舊有橫隄今自雨灌山邈迤而西歷南廟山范家港至隆家溝過大青口之鎮口港斜抵西北直接陶家馬頭中間橫距舊隄十五里長六十里因勢較舊隄稍曲故贏二十里其形彼此相望如堵牆夫舊隄本以防江水但江水自嘉魚下田寺二十里過陶家馬頭至赤磯四十里水爲隄限不得溢而南由赤磯十里至金口則內有長港溯流凡九十里爲法泗洲以上則有斧頭湖黃塘湖西梁湖以及嘉蒲咸三縣諸湖並

山澗悉由長港八江而江水泛漲又從此倒灌故長隄四十里不過稍緩水勢至從長港逆上則無可如何而隄之內外盡爲汪洋隄受浸灌是以冬春修築至夏保守益力今經改築江水在舊隄之北港水在新隄之南不獨周遭四十里不受水患隄亦得保固可省民力但此四十里內唯有李老湖在舊隄之外其馬船港烏洲湖白楊港加以泗洲湖茶湖四五月間雨水盈積勢成巨浸苦無所洩特於范家港建一小閘以時啟閉出納皆由長港蓋江邑之有隄工二十二里每歲隄長四十

名用夫二萬每夫七工統計夫工十四萬興工之日攜糧露處辛苦可憫所費又至不貲今新隄既成地勢高阜土性堅固每歲增修用夫不過十之一二一兩年後舊隄可廢且新隄內外高則麥地汙則草場今若依傍隄形加以子隄各成坵畝自爲溝洫以通水路旱澇無虞則自赤磯以抵陶家馬頭俱成膏腴之產從此直接嘉魚亦可類推是向之慮水患者今成水利而民產日益國賦日增區區隄塍民自愛惜無用督率而自固矣其江水從長港逆流甚猛嘉魚蒲圻咸寧較江邑雖稍

江夏縣志

卷之三

隄防

六

遠其受水患同相其要害於雨灌南廟兩山之間建一兩閘如北運河法用閘版湖水春發而江水夏泛春則啟之以洩湖水夏則閉之以禦江流是又保障四邑之長策也余自五十七年蒞任規畫二年始得形勝於五十九年秋興工偕二尹黃督之六十年堤成以次建閘其導民開墾爲三縣建閘非一朝夕之故爲指其端以俟將來可也

勸墾田說

築隄本以禦水每年費夫工十四萬而隄究不得固不

察地勢不審土性也今新隄旣成歲修夫工可減十之八九且水常潰決則爲患隄防旣成則又可引爲利今之新隄右可限大江左可制長港范家溝小閘又小爲出納諸湖之水雨灌南廟間尙得健閘以別港與江之往復是諸水悉由我範圍而民利從此可興矣請就隄塍內外各廳業主加以小隄如安屬院田或一二百畝爲一院或數十畝爲一院重疊相加其高當新隄三之一寬者可置廬舍隘則可畫溝塗因地勢之高下以通水道旱則引灌溉澇則閉抑共爲防禦其烏洲湖馬船

港白楊港滾打洲泗洲湖茶湖等處因其汙下爲水之渚則蓄洩尤近若地之高阜者秋冬種麥春夏布穀旣無弗宜卽卑下近湖處猶可布穀再下則棄之隄外爲草場今舊隄居民自赤磯鯉魚謬下沙汙陶家馬頭各數百戶皆依舊隄爲業新隄則由雨灌山南廟山大青口居民亦與舊隄相等但其縱有六十里橫十有五里又當於院田之隄埭濶處各自爲居廬以便播種收穫時棲息則耕作可勤而民業益熟向計沿隄錢糧止七十餘兩用二十二里十四萬夫工僅可保全赤磯山麓

一兩處耳餘三四月間刈草糞田外盡棄之波中其修築之倉皇拮据習爲固然而忘其所獲之不相當也在昔隄工之興起於前朝熊廷弼於禦水中寓救荒之意故陶家馬頭至嘉魚下田寺二十里亦屬江民修築而償其工後之人奉行不善直派之里民合邑頗有怨聲而固執鮮通改築便不復議修矣更倡開墾之舉變陸地爲水田是就隄之勢以收水利所獲豈止百倍於今當事者俟其墾闢成熟履畝而計限年分陞科則國賦增益又豈止七十餘兩而已哉余嘗默會熊廷弼發端

之意而得其中深義倘以規模措置質之於熊大司馬諒亦我許可見生前賢之後勿得過泥也

陂五

西徑村二 來蘇村一 三城村一 湘東村一

塘四

保安村一 西徑村一 永豐一 湘東一

乾隆四十七年重訂修長隄例

金口長隄自赤磯山起沿江而上縣亘百十里創自前明經畧熊廷弼所以防江咸嘉蒲四縣之水者也各縣

分修有界江夏應修赤磯山至陶家馬頭二十里計長三千七百丈照田派夫每于孟冬興築仲春告竣官爲督理乃積久弊生加以雨雪風霜民不堪苦乾隆二年有楊天德等請照河南武陟之例易夫派費費自佃完官征官修始僅征銀六百兩以後有加無已至二十一年又派田主爲隄長每歲簽點殷實之家十人雖征費已加至二千餘兩之多而歲無不賠累之隄長趨利避害各弊蔓滋貧富交困莫可名言四十七年紳士段追文吳爾蒸程聯槐等始援本縣蕎麥灣之例呈請上憲

准其按田派捐得銀一萬二千兩申解藩庫發商一二生息每年可獲利銀一千七百二十八兩聽地方官詳請委員估工赴司領利修築自此田主免充隄長佃民免完隄費案定如山碑勒縣轅一勞永逸弊竇悉塞矣